

輒指困傾囊而尤篤於死喪爲具槥殯爲助賻不

可勝數倡修安瀾橋建留嬰堂人皆頌德

孫人龍撰傳

王天位歸安人字依仁世居楊林路父年八十餘臥

病昏迷醫藥罔效晨夕祈禱獲少間一日焚香跪

禱以刀割腹出肝裹之起入內密令煎服父病頓

瘥心慰甚不覺其創之痛楚也鄉里以爲誠孝格

天之驗知縣朱某詳請

旌表

岳昌源王孝子詩序

孫國珍字士隆號惕崖康熙五十二年舉人至性過

人私淑於朱心得聖賢之正學事親孝兄士衡患

惡疾醫言必以口就腎莖吸出毒穢物庶可瘳妻

孥童僕皆難之士隆殷然如醫言

孫人龍惕崖兄稿序

雍正

年任錢塘教諭孝友績學訓課篤至知名士多出

其門有惕崖遺稿

鄭澧杭州府志

惕崖遺稿裔孫錫恩于守先錄謹錄存之

費啟昭字霞初貢生俊

有傳

子性孝友好施與母顧外

家中衰三世不能舉葬啟昭行營善地大起封樹

以追母憂從兄弟共釜而炊歡然無間有以急傾

囊橐予之不責其信以子貴贈奉政大夫戶部員

外郎

杭世駿撰墓志

王山歸安人少鬻於菱湖范堯章家爲奴范待山有

恩已而范老益貧爲主經營生計日夕盡瘁不私

餘栗堯章甚誼之病革謂山曰我疾累月若不解帶炊藥不衰若若矣我還若券我死聽若所之山泣對曰奴事主已四十年恩猶父子奴之去留不在券也義不背主恩卽還券亦不去范歎息良久終還其券而沒山竟留不去范僅遺棲樓二間棺停其中未葬鄰火發將及樓煙燄蔽空山趣主母幼主亟去主曰如匱何山曰山力能出出之不能則與匱同燼矣遂閉門拒火撫匱呼天火燎檐山以貯水仰澆之俄而風迴火息是夜焚者三百家范氏樓獨存

馮景解
春集

孫宏有王義僕傳裔孫
錫恩訂入守先錄

吳熊光字寶揚號渭夫應枚長子雍正十三年舉人
侍父於京邸後官中書會父邁危疾熊光日籲天
願身代深宵跪風雪中應枚病獲瘥而熊光以沍
寒癥結暴得喉風證疾革噤不能語索筆書親病
得愈吾情已遂八字付之弟人皆稱爲孝子
吳氏族譜
朱奉璋字怡齋有葛姓者資金八百自江寧來菱湖
買絲發視則石也其主鳴於官葛及船戶皆受繫
奉璋慨然助之事得解嘉慶間大水邑令勸奉璋
捐施并令發賑奉璋編查給發無遺不足則私出
貲濟之事親孝調恤親族朋友惟力是視時稱善

人菱湖
輯

王志桂父景澍官江西東館司巡檢志桂幼有至性
就家塾聞懷橘扇枕等事輒感動時年十六母湯
病晝夜服事不離左右者累月一夕病篤夜靜焚
香長跪泣禱願以身代母稍甦得愈後事之愈謹
終於過勞嘔血而亡道光十六年題旌

新府志

沈應鸞菱湖人少孤性堅忍強幹七歲卽鬻野菜以
延朝夕事母甚孝百計供其甘脂夜則摩撫抑搔
漏三四下母安枕始計其一日之盈絀焉稍寐起
趨販所勤儉爲生而母病十餘年未嘗一夕解帶

久於闔闔家漸小康因自號曰菜沈不忘舊也逾
年母壽終喪葬盡禮以能子稱兄弟相繼逝竭力
經營喪事嫁妹亦從豐厚服闋始娶無子竟積勞
不起年祇三十有四

菱湖
輯

邵士瑤歸安人世耕讀爲村童師所得修悉以供父
母父沒泣不食母諭之始食居數年母病醫藥不
效割股以進亦不效母沒合葬五行涇之原孝子
縛茅廬其側墓四旁蟄以瓦日夜擗掌之光可以
鑑母生時畏雷雷將作必趨伏呼告廬中坐一木
板膝踝痕陷入半寸許自喪其父母後不復治生

家事委之子士瑤則棹小舟戴大筠籃收字紙焚於奎章閣一日焚紙得紙包檢視有珠數十顆記爲某家物訊之確立還之道光二十二年旌表

孝子

沈貽穀邵孝子傳

龐樹璉字夏重菱湖人肫誠嗜古尤工書法深得柳誠懸筆意所居遺安堂火發母費恭人柩停廳事率其子鳳鳴奮力舁母柩出復登樓取攜先世所遺事物火燎樓頭俄而煙焰漲滿迷不知所出鳳鳴知父閉在火中急奔赴救父同時焚死乾隆五十一年正月也里人以樹璉父子皆死於孝私祀

於陳公祠西楹

誰與庵
文鈔

孫德增字寅軒貧而好義鄉鄰遇有急難無不量力
助之雖囊橐皆空不改其樂稟性尤甚忠厚嘗謂
人曰喫虧卽是便宜其品行可知矣

古秀溪
所聞


蔣斯信字森言少孤家貧學賈朝夕必歸省親供奉
菽水母疾湯藥必跪進與兄斯奇怡怡如也手植
唐棣兩本交柯嘗適長邑有爭伐木者弟誤砍兄
訟之縣將羅織成獄爲勸導之事遂釋博通星命
堪輿之術性耽吟詠箸鄂韓館吟草檢身葯言
按斯信本姓費其後裔遷居湖城現
據蔣清瑞來函采入先賢紀略

孫志昂校勘


211 375

672,35
1311,78
5

211375



浙江師範學院
圖書資料室
歷史系



殉難

孫志熊撰

麥湖鎮志卷三十

國朝孫岳灝字梯雲號見堂岳薦弟乾隆三十三年舉人

考授咸安宮學教習期滿以知縣發河南知伊陽

縣勤於聽斷無滯獄無積牘亂民秦國棟王進材

居縣屬之鑪鐵營聚賭鑄錢黨羽日眾大府虞有

變檄岳灝治之岳灝率役入其巢國棟等聚眾抗

拒岳灝叱之遂被害事聞

賜卹如例贈知府銜

胡長齡撰傳

王鍾嶷字應星號九山捐職州同試官四川隨都統

明亮勦賊嘉慶三年八月遇賊於陝西西鄉縣鄭

忠明真志

卷三十殉難

一

浙江師範學院
圖書資料室
歷史系

家壩力戰陣亡明亮以

聞奉

旨賜卹入昭忠祠

新府志

沈玉茗字春巖歲貢生居菱湖東柵咸豐十一年五

月二十六日粵匪竄菱湖當其來路與之理論曳

之不退刺刺不休賊厭而戕之愚不可及論者比

之甯武子云

菱湖輯參平定粵匪紀略事

聞賜卹如例

卞乃諱字小雅斌

有子

乃諱少豪縱不拘小節以諸

生從軍積勞至知縣需次江蘇咸豐九年秋署婁

縣有聲時承平日久州縣皆不習兵事倉卒無措
乃譴久軍中嫻戰守慷慨敢任事十年賊至松江
督兵出戰兵潰乃入城焚火藥局歸署自縊未絕
而賊已入城遂被殺

忠義錄

孫恩保字小熙由太學生厯任湖南藍山知縣柳州
知州兼署桂陽州事力拒髮逆身受重傷二十八
處旋歿奉

旨賜卹

孫志熊
菱湖輯

吳以著字歡伯附貢生世居菱湖由訓導加捐知州
咸豐十年奉趙景賢委辦湖郡南鄉民團十一年

賊竄菱湖親率團勇禦賊而亡事

聞賜卹如例以著力學工書得歐褚兩家筆法河督

庚長命臨洛神賦小楷一部臨聖教序行書一部

先後付刻工詩著有行素軒詩鈔

全上

嚴籛字士竹由監生捐職府經歷發江蘇少孤力學

尤工駢儷有宋人風味著有留茆盦尺牘咸豐十

一年冬王有齡檄籛協守杭州城破死之妻章氏

居湖州之荻塢聞變自縊事聞

賜卹如例

新府志并孫志瀛凌波詩話

欽卹義士議敘從九品顧榮泉

欽卹義士顧敬生

欽卹義士李東初

